



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Avla ... Thesavorvm Dei In Passione D. N. Iesv Christi  
Effusorum ad Resvrrectionem Mvltorum**

**Eyschen, Georg von**

**Coloniæ, 1656**

§. 97. Et ignorabant quid responderent. ei. v. 40.

**urn:nbn:de:hbz:466:1-45533**

delis Dominus, Pater, Pastor, Prælatus (qui enim curam non habet domesticorum, deterior est infideli,) ad nostram instructionem, ut in omni tempore, & tempore sine intermissione curam habeamus de nobis commissis, ne quis pereat incuria nostra aut cadat: vnde ad patrem ipse dixit *Pater quos dedisti mihi non perdidis ex eis quemquam.* Talem sollicitudinem & curam habendo de eis: etiam si dormierint, excitarentur, vigilarent, conuerterentur, penitentiam agerent, saluarentur.

**O** Bone Iesu quoties ego dormio, dum maximè vigilare deberem, quam parum mihi intendo: quam parum apprehendo pericula in quibus versor, & tu tam paterne me sustines, & suauiter supportas, & mei curam geris dum ego meipsum negligo, excita me Domine à sopore meo. Tu scis infirmitatem meam: da ut ego agnoscam, & de viribus meis diffidens, in tua fitmiter confidam misericordia, occasiones male agendi deuitem & iugiter ad orationem tuo exemplo recurram.

§. 96. Erant enim oculi eorum grauati. v. 40.

Non est opus inquirere, quare oculi Apostolorum fuerint grauati, obuiæ sunt causæ. Homines erant, vti nos; & ingruente tempore naturæ necessario ad quietem, naturaliter ad quietē ferebantur, & in alieno periculo, parum percellebantur, vti & nos, & suum periculum non aduertebant, vti & nos sæpe non aduertimus, & cum illis à Domino suum periculum inculcabatur, non timebant tanti esse momenti; sed sperabant transitum, ut innumera mala, quæ timemus, præterire experimur & lætamur. Ecce causæ, ob quas oculi eorum erant grauati.

**D**omine Deus, ego in grauidine oculorum Apostolicorum video, tanquam in speculo, me quoque esse grauatum sæpe non solum quoad oculos, sed etiam quo ad cor, sæpe video, quando deberem flere, sæpe fleo, cum deberem esse sereno oculo, & ima summis commoto. quid hic dicam? Apostolos vioco necesse quid responderent pro se, potero ne esse Scientior illis: Sane potero esse post illos, doctus iam per illos, nempe, hoc dico: Illumina Domine oculos meos, ne vnguam obdormiam in morte peccati, negligenter, incuria, securitatis indiscretæ, qui die ac nocte non cessas vigilare super Israel, ne forte cum fatuis virginibus fortunæ bona tempus dormitando sinam præterlabi. Deus in adiutorium meum intende.

§. 97. Et ignorabant quid responderent ei. v. 40.

Experge facti aliquantulum & intuentes Christum Dominum, ignorabant quid responderent, tacendo, vel certe, quod semel opitis contingit, aliena

aliena ad quæstionem & rem & personam missitabant in somno: sic homo sopitus affectibus vel vino vel amore vix unquam sibi præsens esse potest, ob ligaturam tentum, vel diuagationem mentis, unde ignorat stuperatus quid agere vel loqui debeat. Væ autem sic ignorantibus! quid enim hic accidet aliud, quam ut & ipsi ignorentur? non quidem per ignorantiam præsumptionis in intellectu, sed in affectu, quam affectatum solent appellare in scholis. Si igitur Apostoli quia aliquantulum negligentes fuerunt in obsequendo Christi mandatis, ad eius benevolam & humanam presentiam, ita infantes facti, ut ne verbum quidem respondere potuerint, in vox faucibus hæserit! quid ei poterimus respondere, quando Iudex est venturus cuncta stricte discussurus in valle Iosaphat, in extremo illo & tremendo iudicio quando Liber scriptus proferetur, in quo totum continetur, unde mundus iudicetur, & nil multum remanebit. Quid, inquam, peccatores tunc Respondebitis quando Iudex est venturus, non facie amica, sed in furore? quando manifestari oportet ante tribunal omnes, cunctis mortalibus adstantibus; quando tuba mirum sparget sonum per sepulchra regionum cogens omnes ante thronum, quando in lucerna cuiusque conscientia perscrutabitur, cogitata; gressus, actus, via, sensusque ad trutinam examinabuntur! Quando venerit in sede maiestatis sua, stipatus caterua iustorum Iudicium, in dextera habens virginem virtutis & iustitiae in sinistra gladium flammrum furoris sui & executionis æternæ; quando sententiam Excommunicationis æternæ & damnationis irreuocabilis expectabimus, quem tunc patronum rogabo, cum vix iustus sit securus. O terra! o Coelum! o Deus! quid hoc rerum erit! o strictum Examen! o Iudicium horribile, o sententia! infallibilis tamen & æternæ verissimum est in deliciis beatiorunt æternum, & damnati in tormentis versabuntur, fremebunt, ululabunt, quia vero Deus æternitas est, siue in terminabilis duratio, inuiolabilis & finem nesciens vita; ideo nec beatis gaudiorum, nec damnati suppliciorum finem inuenient.

§. 98  
**O** Si semper istud vel sapientius versaremus in mente! quam lenia, ira, quam nulla viderentur, & essent quæ patimur? quam suaves Dei causa suscepti labores; quam è contra horribile peccatum, quod Deo prius, idque æternum? quo ferore, quibus studijs impenderemus momentum illud, à quo pendet æternitas. Aperi igitur, aperi mentis nostræ oculos æternæ Deus, & aciem corroborata, qua immensam illam seu felicem æternitatem, & iudicium penetremus, ut momentum hoc temporis, quo tua pietate nunc fruimur, sic viuamus, ut conducat ad æternitatem omnis gloria & felicitatis. Amen.